

## QVÆSTIO MEDICA

Quodlibetariis disputationibus manè discutienda in Scholis Medicorum, die Jovis 19. Decembris.

M. JACOBO DES PREZ, Doctore Medico, Præfide.

*An alia à spiritibus in corpore fermenta?*

**O**BSCURUM licet atque obsoletum apud medicos fermenti vocabulum, suis tamen è tenebris non ita pridem proficiens, apud nuperrimos scriptores gratiam invenit, & fermentationis historiam inter physiologos in disputationem adduxit. Eorum nonnulli, ut supra cæteros sapere viderentur, multis faculis comprobata de spiritibus atque humoribus doctrinam ad fermenta transfulere. At quæ apud illos serpit opinio, an exquisitioris sermonis ostentatio: an novi dogmatis assertio audiat? Si primum: habes fermenta cum spiritibus synonyma, si postremum: Quem non lædit illa doctrina, quæ calidi innati vices evertens, nascendi, vivendi, & moriendi leges à fermentis deduci asseverat? Suis reddantur authoribus obsecro illæ fermentationum assertiones, si ad perscrutanda vitæ munia, spirituum atque humorum azyma consideratio satis fuerit: Aut si quæ in nobis fermenta esse dicenda sint, illa à spiritibus haud distincta fuerint.

**Q**UID sit fermentum ab illius assertoribus nullibi statuitur. Alii spiritum, alii corpus, alii utriusque vocabulum, alii salinum, alii sulphureum dicunt. Ixionis instar nubem pro corpore consecrari dicatur, qui per ejusmodi tenebras, veritatis amplexus meditatus fuerit. Intestina motio sponte vel arte excitata, & novorum mente, fermenti actionem prodit. Quorsum hæc? an aliundè quam à spiritibus spontanei in nobis motus ciantur? ut nusquam absque motu vita persistit, sic absque spiritibus nullus est in vivente motus. At si aliquà segnitie detenti spiritus arte fuerint excitandi, in promptu erunt quamplurima artis medicæ præsidia quæ fermenti nomine nusquam donantur. Nullo humorum vitio prædedit spiritus sibi fas sit ut se moveant, sanguinis verò copiam oppressi, vacuantibus expediuntur, crassiore succo irreti, attenuantibus extricantur; (ut in ipsâ etiam pistorum pasta à fermento attenuatâ fieri consuevit;) veneno affecti, antidotis curantur, morientis animi pathemate constricti, exhilarati recreantur, syncope correpti, cardiacis excitantur: Quocunque tandem morbo prostrati fuerint, ni medicinæ præsidii juventur frustra ab insitis fermentis subsidium erit expectandum: sibi autem si fuerint redditi & ad suos motus expeditiores facti, sanitatem omnibus numeris absolvunt. Quid plura: an fermento vis perficiendi tribuenda venit? habent spiritus omnem promovendæ perfectionis energiam. An corrumpendi? illa à superfluis & excrementitiis humoribus putrescentibus, igneisque particulis præfocantibus tota exoritur.

**S**UBTILES illæ & summe agiles particule quæ in primâ conformatione utriusque seminis & materis sanguinis materiam diducunt, diducamque siccæ & humidæ multiplici attemperatione componunt, spiritibus audiunt. Substantiâ quales sunt si quaeris, præsto erit Hippocrati adscripta sententia, juxta quam spiritus nunc dicitur *ἡ ψυχὴ ἢ ὕδρας ἢ ἀέρας ἢ ζῆλον*; adde si libuerit: tepens non urens vitæ flammula: caloris innati mollior focus. Igneam spirituum naturam calentis cordis arteriarumque subsultus indicant: humidam verò intimum cum humido primigenio conjugium evincit. Tandiu vivit insitus ignis quamdiu humidus, suo verò cum pabulo ardescens interit. Quid autem igne mobilius? ipso quid actuosius? aut ad exsequenda vitæ munia promptius? eâ sanè motus præstantiâ ciantur caloris innati vectores spiritus animæ ministri, ut ab illorum concursu mutuoque ad *ὁλοκρῆσιν* confluxu citrà ulliûs fermenti consortium functionum omnium spiritus integritas. Ex corde tanquam vitæ solio eas functiones moderantur, quas vitales an naturales dixeris perinde est. Ex pallidis arce sensus & motus vices dispensant. Primas etiam ortus nostri scintillas ætæ non injucundo elatas & gestientes, absque fermentis micare ne dubites. Haud secûs ac flamma flammam accendit, sic in libidinoso complexu cupidinis faces accensæ utriusque seminis igniculos suscitant & ad vitæ munia lacrius stimulant. Fœmineum semen humidissimum magis diluendis, atque extricandis siccioribus & spissiore sinu coerciti masculi ignis atomis à naturâ fuisse institutum si quis negaverit, veritatis seipsum proderit tenebras offundit.

**T**ANTI sunt ad vitam momenti spiritus ut brevioris aut diuturnioris ævi periodum veluti circumferebant. Vivacior ille cui à primo ortu uberrima spirituum copia contigit; præstantioribus micat muniis anima, cui splendidiore, nitidioreque spiritus famulantur. Ut per ipsos vita tribuitur, ita & conservatur. Obos solvant arterunt, digerunt. Non quidem febrili & distensivâ fermentatione, sed tacitâ & lentâ alteratione succosabiles placidè immutante atque assimilante. Assimilationem prohibet nimia spirituum concitatio aut eorumdem obstructio. Eandem promoveret & absolvit insiti caloris vis opulentior. Proh quam ingeniosa nutritionis industria, ad cujus leges contrarium contrario alitur, dum igneæ naturæ spiritus humido pabulo saturantur: simile autem simili nutritur, dum spiritus quod sibi magis analogum & familiare ex cibis prolucunt atque utile ab inutili, ingenito quodam motu fecernunt. Tor muniorem fecundos insiti caloris igniculos à focorum igne cuncta diruente & depopulante qui non distinxerit, an focorum ignem vivere dixerit? vivit sanè insitus ignis, nec quia anima recedit ille exstinguitur, sed illo extincto commigrat anima cælum petitura.

**B**LANDIORA sunt spirituum munia, benignioresque eorumdem influxus, quam ut ullo fermenti æstro, aut fermentatione functionum integritati semper infestâ promoveri dicantur. Fabulam narrat qui calidi innati foco fermentum gratis affingit. Insitam cordi diviniorem auram febrilis æstus vitio inquirit qui ipsam in corde debacchari spumantisque multæ effervescentias agere contendit. Liquidi subsultant in arteriis igniculi, non quia fermento conciti, sed quia tenuioris sanguinis compage minùs cohibiti sese libenter explicant. Hinc pulsus in pueris mollior & citior; in adultis vehementior, cum celeritatis tamen perinde ac humoris imminutione; in senibus durior & tardior. Nulla omnino pars quæ ad sui muneris integritatem insito fermento à spiritu distincto indigeat. In ipso utero benè affecto sanguis copiam turgens, aut diuturnior caloris actione citrà fermentum acrior factus vasa referat uterique fibras ad excretionem stimulat.

*Ergo non alia à spiritibus in corpore fermenta.*

DOMINI DOCTORES DISPUTATURI.

M. Philippus Tourbier.  
M. Jacobus des Prez, Præfide.  
M. Jacobus de Bourges.

M. Petrus Legin.  
M. Franciscus Serand.  
M. Nicolaus Rainfuss.

M. Carolus de Laval.  
M. Dionysius Dodart.  
M. Dionysius Paylon.

Proponerebat Parisiis FRANCISCUS MAILLARD, Parisinus Baccalaureus Medicus. A. R. S. H. 1680.